

sed profus australiores sedes habere, inquit, in locis uero circa Meroë, iam satis colore sunt nigri, & primum Aethiopes meri, ibique elephantum ac mirabiliorum animalium pascitur genus.

In caput nonum annot.

Improbatis terrestribus profectioibus, reprehendit hic author maritimas profectioes, ex quibus Marinus putauit finem totius Australis latitudinis subiectum brumali tropico. Vnam harum nauigationum dicit Diogenem quendam fecisse ab Aromatis ad Rhaptum promontorium 25. diebus Aquilone spirante, alterum uero dicit Theophilum quendam confecisse à Rhapto ad Aromata 20. diebus austroflante. Sed ex his nauigationibus Marinus non potuit certo deprehendere Agisymba regionis & Rhapti promontorii recessum seu distantiam ab æquinoctiali, cum non constiterit in quam mundi inclinationem cuiuslibet diei nauigatio facta extiterit, neque credendum sit Diogenem eodem semper Aquilone fuisse impulsum, aut Theophilum unico Austri flatu reductum. Ad dicitur & tertia cuiusdam Dioscori à Rhaptis ad Prassum promontorium nauigatio, quæ quinque tantum milium stadiorum supponitur, multis autem diebus impletam ait Marinus ob lentam uentorum spirationem, quæ sub æquinoctiali solis obliquatione fieri consuevit. Siquidem uenti sub æquatore sunt tenues & facile mutabiles, quod solis uirtus uapores & exalationes consumat, in frigidis uero & montuosis locis ex materia multitudine uehementiores flatus procreantur, unde constat uelociorem esse nauigationem ad æquinoctialem quàm ab æquinoctiali. Ex his itaque nauigationum diuersitatibus Ptolemæus infert Marinum non debuisse credere expositarum nauigationum diebus, ut eisdem moueretur, Prassum promontorium Agisymbamque regionem brumali subiecta tropico. Subdit proinde Ptolemæus causam, ob quam Marinus prædictarum nauigationum spacia contraxerit usque ad brumalem tropicum. Nam si eas longius ab æquatore mouisset, coactus fuisset asserere, Agisymbam regionem atque Prassum promontorium, in quibus Aethiopes habitant, elephantibusque pascuntur & rhinocerotum conuentus existit, gelidæ zone supponi, quæ sub opposita zona à tropico scilicet æstiuo in septentrionem uergente, nusquam reperiuntur. Necesse enim uidetur, ut sub oppositis parallelis similes animantes, similiaque plantarum genera pro simili aeris habitudine inuenian-

tur. Refugiendum ergo est, quando certa ratio regionis alicuius haberi nequit, ad habitudines proprietatesque regionum atque locorum, nempe ad formas & colores hominum atque uaria genera animantium in eisdem locis morantium. Ex his enim coniecturare licet, locorum ac regionum positiones respectu æquatoris. Et in hunc modum probari potest, Agisymbam interiorum Aethiopum regnum, cuidam subiecti parallelo, qui æquinoctiali propinquior existat quam hybernus tropicus, cui eosdem supponi Aethiopes credere par non est. Nam sub opposito parallelo, hoc est, sub æstiuo tropico, non sunt tam nigri homines quàm Aethiopes, neque rhinoceros aut elephantibus, sed à Syene uersus æquinoctialem schœnis, id est, finibus triginta, & prope Meroë primū excellenter nigricantes inueniuntur Aethiopes & elephantibus. Notandum hic, schœnum triginta continere stadia, quam mensuram Herodotus Parasangem appellat, & est paruū miliare Germanicum. Aromata promontorium & ciuitas est Aethiopiæ sub Aegypto, habens in longitudine gradus 83. & in latitudine gradus 6. uel, ut infra dicitur, gradus 4. & minuta 15.

Q U O D N O N O P O R T E A T

Aethiopes supponere meridionales,

quàm sit parallelus oppositus per

Meroë. Cap. X.



Vapropter bene habet usque huc, id est, Aethiopes usque, quemadmodum nobis traditio historiae de monstruosis, quæ in illis degunt oris explicat, constatque Agisymba regionem, & Prassum promontorium, cum ijs quæ eidem subiacent parallelo, describendam esse, sub eo ferme, qui ipsi opponitur per Meroë, hoc est, qui ab æquinoctiali meridiem uersus distat partibus æqualibus sedecim ac tertia una cum duodecima, stadiis uero octo milibus ac ducentis fere. Ita ut si tota latitudo exactius colligatur, partes sint nouem & septuaginta, tertia una cum duodecima, uel integre octuaginta, stadia uero milia quadraginta. Credendum præterea, distantiam eam, quæ est inter magnam Leptim & Garamam, quemadmodum & Flaccus & Maternus sup-